

wie sich das begeben uns zu wissen theten vorwilligen und submittirenn, wie uns auch yn crafft diß briffs solich bothenlonn, so oft sich das begibet, inn unnsere expenso außzurichtenn. Wollenn auch unnd sollenn mit gantzem unserm vleis unnd höchstenn vormogenn daran seyn, das sollicher des obgeschriebenn herren doctor Haldenhoff letzten wylenn unnd redtlich testament allenthalben in allen seynen clausulen, artickeln unnd 5 stücken wie genandt unnd gnuckßam ym principal auch alhie berurth und begriffenn, stedt und fest wie obgemelt gehalten sollen werden nach lauth desselbigenn uffrichtigen testament unnd unser reversals brieff mit uffrichten sigel vorsigelt. Unnd des zu mehrerer sicherheyt haben wir mit sampt des pfarrers unnsere insigel lassenn hengenn an dyßen brieff, der gebenn ist am obent Georgii im thausent funffhundert unnd sechstenn iare. 10

266.

Bürgermeister und Rath der Stadt Leipzig bekennen, daß sie an Lorenz Mordeisen und Heintz Widerkehr Bürger zu Leipzig 100 Gulden jährlicher Zinsen für 2000 Gulden Hauptsumme wiederkäuflich verkauft haben, und daß jene Zinsen zu einem Stipendium für zehn Studenten der Theologie verwandt werden sollen.

1507 nach d. 4. Apr. 15

Hdschr.: Concept Hauptstaatsarchiv Dresden Leipziger Händel 1422—1553 loc. 10532 fol. 281 sq.

Wir burgermeister, radtmanne und radt der stadt Leiptzck bekennen vor uns und alle unser nachkommen und thun kundt vor allermenniglichen die diesen unsern offen brieff sehen ader horen lesen, das wir mit besonderm vorwilligung deß durchlauchten hochgebornen fursten und herren, herren Georgen hertzogen zu Sachsen, 20 Romischer kon. mat. und deß heyligen Romischen reichs erblichen gubernator inn Frießlanden, landtgraven in Doringen und marggraven zu Meissen, unsers gnedigen herren und landisfursten, auch zeitlichen vorgehabten radte, guther willen und wissen besondern die ehre gottis, mehrung gotlichs dinsts, zu lobe der hochberumpten universiteten bey uns zu Leiptzk und umb unsers und der stadt nutzes und frommen willen 25 rechts und redlichs kauffs vorkaufft haben und vorkauffen gegenwertiglich inn und mit krafft diß brives den ersamen Lorentz Mordeysen und Heintzen Widerkehr, probst genant, unsern burgern, hundert Reinisch gulden landißwehrung iehrlichs zinses, gulte und iahrrenthe, haben yme die vorkaufft vor zweytausent Reynischer gulden landißwerunge, die uns die keuffer bereit baruber getzalt, betzalt und vorgnuget habenn, die 30 wir auch wirgklichen eingennommen, forder in unser stadt nutz und frommen gewandt, das uns an der bezahlung wol genuget, sagen die kauffer und menniglichen, die das zu thun haben, vor uns und alle unser nachkommen solcher betzalung inn und mit krafft ditzs brives gantz queidt, ledig und loeß. Wir vorkauffer haben den kauffern die gnante hundert gulden vorkauffts betzalts iehrlichs zinses, gulte und iahrrente vorkaufft und 35 gewest an und uff unsern radthauß, zinsen, geschoß, gefellen an allen der stadt Leiptzck auff und einkommen, wie das nahmen hat ader genant mag werden. Die vorkauffer haben diese gemelte hundert gulden iehrlicher gulte und zinse zu einer milden